



21938

ka korp.

III

Mag. St. Dr.


p

Lysnowski Stanisław. Bonum Patriae servator et Antistes
ca. D. Paulo Hascuti. 1679.

PANEG. et VITAE
Polon. Fol.

Nr. 936.

Biblioteka Jagiellońska



stdr0004667



BONVS PATRIÆ
SENATOR & ANTISTES

E X

Illustrissimo olim, & Reuerendissimo Domino.

D. PAVLO
PIASECKI.

DEI & APOSTOLICÆ SEDIS GRATIÆ
EPISCOPO PRÆMISLIENSI

ABBATE CLARÆ TVMBÆ,
descriptus

E T

*In exequiis eiusdem solemnibus
Ad feralem urnam, IX. Calen. Octob.*

*Anno MDCXLIX in Ecclesia Mogilen. luci publicæ
exhibitus.*

P E R

M. STANISLAVM ZYZNOWSKI,

In Alma Academia Cracouiensi Professore

C R A C O V I Æ,

In Officina Typographica Martini Filipowski.




*Effigiem cernis PIASECI, laurea cingit
Laurea qui scripsit, laurea iure gerit.*

21.938^m

Perillustri & Reuerendissimo Domino
D. REMIGIANO PIASECKI.
Abbati Claræ Tumbæ, Cantori Præmisli.
Regenti Cancellariæ Regni S. R. M. Secretario.

D. meo & Benefactori perpetuam cum plurimis annis felicitatem.

 Vem intra pectoris angustias, ex occasu Illustriss. Patruui
Tui conceperam dolorem, Rndissime D. eundem ad fune-
bres exequias lugubri obtestor calamo. Neq; enim aliter,
literati viri prodit se affectus, quàm per ipsas literas: cum
hæ scriptos quosq; reuelent mentis conceptus. Cedant lacrymæ præficus,
vestes pullatæ consanguineis, solæ literæ, sint literatorum, synceri monu-
menta doloris. Difficile mediufidius erat, obserare venienti pectus mæ-
rori, quod semper reciproco patebat amore. Dignus scilicet Se nator, Illu-
striss. & Rndiss. PAVLVS PIASECKI, Præmislien. Episc. cuius mor-
tem, cælum lugeat Academicum, quia suum Athlantem, suum amisit
Protectorem & Mæcenatem. Clara erant, propensissimianimi eius, erga
Viros Academicos argumenta, quibus artissimo quodam mutui amoris, fuit
coniunctus nexu. Vt enim clarissimos illos, Septentrionis latepatientis refe-
ram Viros, Adamum Opatouium, & Jacobum Vitellium; isti, cara erant
apud Illustriss. Senatorem pignora, quos inusitata humanitatis obseruan-
tiâ, & incredibilibus prosequabatur amicitia officiis. Simili exemplo, Tu
quoq; Rndissime Dne, Almæ Matri nostræ, lumen beneficum fieri con-
tendis, cuius alumnos, beneuolentiæ Tuæ radius, serenare non dedignaris.
Noûi benè propensissima studia Tua, quomodo & bonum Vniuersitatis incly-
tæ, laudemq; apud Serenissimos Reges, & principes Reipub Viros promoue-
as; vt vel hoc solo nomine, hæreditariam Illustriss. Patruui Tui Virtutem
continuari videaris. Proindeq; tuis meritis parem à Viris Academicis sem-
per referes gratitudinem, quorum nomine, & hæc præsens lucubratio, Tuo
amplissimo litari debuit Nomini. Ita tamen, doloris nostri intellige neces-
sitatem, vt plus hactenus gaudere debeamus quàm dolere. Viuit in Te no-
ster protector, viuit Patronus: hæc interim gaudemus felicitate, quam Ti-
bi, non fauor fortunæ, sed illustris & heroica parauerat virtus. Merito
Claræ Tumbæ Abbatiam possedisti, quia clares meritorum gloria, Virtuti-
bus inclytus haberis. Nihil profecit fortuna, quæ Te inuidiæ iaculis & li-
uore maligno opprimere studebat: non oppressit, sed in maiorem euexit glo-
riam, dum virtutis Tuæ inuictam ostendit fortitudinem. Erat tempus,
dum homines virtutem seruam esse fortunæ putabant, quam cum domi-
nam

nam cognouerunt, adorare debuerunt. Et Tuæ virtutis plurimos docuit euentus, humanam sapientiam; frustra contra hoc niti, quod semet diuinum decreuit consilium. Cælum ipsum huic aspirauerat felicitati nam diem ingressus Tui, præter solitum serenauit; alijs diebus crebris, imbribus largum. Si tamen Tuorum amplitudinem meritorum, ad stateram iustitiæ bonus iudex librauisset, maiora virtutis Tuæ dignitatem meruisse, affirmare debuisset. Clara utiq; res recenti documento; plura Tu meruisti, Reipub. cum salutis dispendio inseruendo, quam aliquis dormiendo. Et hanc, quam præsentis belli tempestate acquisuisti laudem, tantam habes, quantam, is non habuit vnquam, qui Tuæ inuidit felicitati: cum eos etiam subires labores, quos cum discrimine vitæ ferendos, bono Cui suadebat necessitas. Est hæc insignis virtus, Tui gloria sanguinis, quam Magnif. D. PETRVS PIASECKI Pocillator Nouogroden. S. R. M. Aulicus, Frater Tuus, heroica compleuit virtute. Probauit rei militaris peritiâ dignitatem, corporis virium & animi magnitudinem; quando in pugna Pilauecen. Præfectus militiæ electus, eo profecerat animi, ut periculosos quosuis an fractu tentasset dexteritate. Neq; ab hoc laudabili recessit conatu, vltiori tractu temporis; nam & pro Expeditione generali, eadem præfectura potitus, quæuis ardua & difficilima aggredi proposuerat. Ita scilicet magna virtus, est auida periculi, tuta semper sectari desidia existimat. Sed præter hanc meritorum gloriam, quam habes amplissimam; cum hoc destinatum possideres præmium, neminem illud Tibi inuidere oportebat; neq; enim res noua sub sole, Prosapiam Tuam Inchyta honoribus, præmijs, clarere. Non recensebo hic, secularis ordinis Viros, ut fuerunt Mag. D. PETRVS GEORGII PIASECKI, Chodkiewiczis, Sapiebis affinitate coniunctus, Supremus Stabuli in Ducatu Litbu. Præfectus; & Mag. D. PAVLVS superstes, Subiudex Nouogroden. Notarii Terrestr. Sand. filii. Sed quia Spiritualis rei petiture exemplum. Prodeat Perillustr. & Rndifs. olim IACOBVS PIASECKI Abbas Coronouien. & alter Perillustr. & Amdum R. D. IACOBVS PIASECKI Mag. REMIGIANI Actorum Terr. Camerarii filius. Præpositus Cathedr. Chelmen. & Coadiutor Abbatie Mogilen. hos omnes præclara virtus, & celebris meritorum gloria promouere debuit: prout & Te debitis adauxit, adaugebitq; amplioribus, Deo dante honoribus Nihil de fortuna polliceor, de dono virtutis omnia; hanc enim dominam, illam seruam comperiisti. Gaude igitur, Tuo hoc felici bono, & fruiere cum gloria Rndifs. D. & hanc exilis Mineruæ opellam, in propensissimi Candoris & amoris Symbolum, sereno accepta vultu. Vale meq; Tibi affectu totissimum quoad vsq; vixero intellige, cum plurima sint, quæ me Tibi fecerunt mancipio.

Perillustis & Reuerendissimæ Dominationis Tuz
Cliens & Seruus deditissimus
M. STANISLAVS ZYZNOWSKI, Philosophiæ Doctor.



SENATOR BONVS, & AN- TISTES.



I quando, inexorabilem Fatorum potentiam, atq̃ adeò prodigam immanitatem, dulcis nostra experiebatur Patria; A. o. hâc profecto temporum infelicitate, eorum vi, atq̃ malignitate indignè preſſa, grauiter debuit ingemuiffe. Tot malorum vexata procellis, cruento lacerata Bellonæ prælio, eorum cladem, in Regni viſceribus tulit Virorum; quos vidiffe precium erat, cum quibus habitare ſecuritas. Vixiſſet vtinam Nobis, Athlas ille Sarmaticus, Orbis Europæi gloria, Seruator & Pater Patriæ, STANISLA-VS LVBOMIRSCIVS; qui ſatis naturæ, ſatis quod maximum gloriæ, Patriæ certè parùm uidetur vixiſſe. Altera mox, poſt lugubrè tanti Heroæ caſum, ceciderat columna; quæ arduam Reipub. molem, Eccleſiæ autoritatem, Religionis Chriſtianæ dignitatem, nunquam ſatis laudanda ſuſtentabat prudentia. Ille inquam, cecidit Illuſtris. & Reuerendis. PAV-LVS PIASECKI Præmyſlien. Episc: quo vix quidquam in terris ſol melius aſpiciebat, cuius præſentia, tanquam ſereno ſalutariq̃ ſidere, inter has belli tempeſtates recreabamur. His orbata, frementibus hoſtium armis, Patria Viris, quantis tunc concutiebatur doloribus, quis dicet? Duas quaſi amiſerat manus, alteram quæ defendebat, alteram quæ regebat: hanc liber, illam gladius decorabat. Experti ſunt, non ita pridem Patriæ Ciues, iſtarum potentiam manuum, heroicam admirati virtutem, quarum his belli fluctibus, tantum viguit robur, & vis quædam occulta, vthîc eorum præſentia, contra hoſtem pugnâſſe videretur. Sed iam, deſiderata Pax doloris tui repetiit

vices, ô Alma Patria: cum iam tuo Serenitas redierit cælo, procul à lachrymis, procul à mærore abesse debes: cælestis gaudii donum consecuta. Extinctos Senatores dolere; licet, sed non expedit. Fata accusari possunt diutius, non mutari. Et hæc illis à Nobis iniuria: si intolerabiles senectutis claudant ærumnas: quemadmodum in his prouectæ ætatis Senatoribus, mors potius optanda erat, quàm accusanda: præsertim quos non amisisse, sed cælo aptos videris præmisisse. Et quis tam proteruæ aut dubiæ mētis esset; qui negaret, heroicas illas animas, propterea, hanc calamitate nostra, in cælum euolasse: vt in oculis miserentis Dei, pacē quantocius conciliarēt, quam hinc exhaustis corporis viribus, tam citò facere non poterant. Pertæsi enim malorum nostrorum Ciues boni, illis terminum admouere contendebant ardentissimè, qui viribus olim vegetiores, in subsidium semper festinabant; armis ille, hic consilio. Præterea, non hæc illorum vita dicenda est, quæ corpore & spiritu continebatur; sed illa, quæ vigeat omnium memoriâ sæculorum, quam alet posteritas, ipsa intuebitur æternitas. Id solum mærore nostro concedendum est; quod cum in tesseram gratitudinis, ad funebrem pompam, angustiores Magno **LVBOMIRSCIO** reddere adnitebamur honores: tubæ, litui, classicum sonantes, fecerunt angustiores. Desiderata modò cum fruamur pace, adimpleamus eisdem, Magno Gentis Polonæ decori, **PAVLO PIA-SECIO**, solemnibus alij pietatis Christianæ officiis, exilis ego Orator calamo. Propendebat animus, & in Tuam ô Magne **LVBOMIRSKI**, funebrem excurrere laudem; inuida hanc vicissitudo rerum, eripuit occasionem: serò sapere, sat in glorium; præsertim cum abundè iam difertissimorum, certatum est calamis: actum agere culpari vereor. In Tuam duntaxat modò, nullis vnquam delendam funeribus gloriam, Antistes Illustris, desudauit facundia, quæ cum Tua quæsiuit ornamenta; illa ex bono Senatore, simul & Antistite descripsit, sicut Tu optimus Senator, & Antistes fuisti. Fauete Proceres Reipub: Sapientissimi,

entissimi, atq; hic non tam Oratoris dignitatem, quæ nulla est, quam potius affectum æstimate; cuius non nisi simplex Oratio. In totius Europæ theatro, clarissima est insignis virtus, Magni Reip. Senatoris, dignis: Ecclesiæ Antistitis Illustris. PAVLI PIASECKI, quæ ex oculis sublata nostris, tantum sui reliquit desiderium, ut laudari omnino, sine aliquo dolore non possit. In hoc maximè culpanda esset, illa fatalis necessitas, quod augustis etiam imminet verticibus, lege sua sceptrum ligat, constringit diademata, purpuras trahit, per quas, & in quibus, salus & felicitas Reipublicæ Christianæ conseruatur & propagatur. Quod si natura, iure suo utens, fatale debitum, à corpore senio labante, exigat; quid obstaret Platonis error? eiusmodi animas, in nobiliora iuuenum corpora migrare debere, quarum diuturna, & nullo superanda æuo, expetitur præsentia. Seruauissent nobis benigna, PAVLVM PIASECIVM fata, qui talem se præstitit Senatorem & Antistitem; ut non scribebat in ingeniis, sed re ipsa, Parens Patriæ dici mereretur. Inuidus ille esset, qui hoc immortale non ferret elogium: ingratus, qui præclara amoris in Patriam, non extolleret merita. Herculem si quis pro Patriæ salute excubantem, auidis desiderabat spectare oculis, spectauit PIASECIVM; nisi quod Theseus deesset ille, qui quouis inchoato sermone, in eius laudes erumperet, laboresq; prompta gestientis animi extolleret prædicatione. Vicit omnem, illa tanta & incredibilis virtus inuidiam, ut eos etiam Themistocles audire erat, quos liuor malignus impios fecerat Harpocrates. Non erant feliciora Miltiadis trophæa, quam insignium PIASECKI meritorum gloria: nocturnam illa excutiebant quietem, hæc diurnam quoq; Ciuium superabat cogitationem. Indefessa illa, ad salutem Patriæ festinantia, suspiciebant vniuersi studia, quibus Generosus Patriæ Heros, heroicis auctus ornamentis, summo cum Magnatum desiderio, in flore ætatis, ita fideliter animum applicauerat, ut omni dierum cursu, per horas & singula momenta, ad commodum Patriæ

insigniter proficeret. Hæc erant desideria, Parentis sui, Magnif.
olim Sebastiani de Armis *Ianina*. vt gentilitii stemātis inter prin-
cipes viros gloriam haberet: prout non fefellit vota, inusitata
virtutis euentus, qui necdum fortasse vteri materni prærupe-
rat angustias, & iam heroicus ille sætus, de Patria mereri prope-
rabat. Fortunata olim Heroïna, Catharina, PIASECKA,
gente GROMACKA *Ossoi* prognata, sua Mater decoratis-
sima, amore Patriæ inflammata; Lacenæ mulieris adimpleuit
famam, Cornelix superauit gloriam. Grachi impuberes, ca-
ra erant suæ Matris pignora; PIASECIVS sideris propitii
instinctu, iuuenis, preciosa Patriæ gemma; maturus, inæstima-
bilis Reipub. thesaurus, dum Senator optimus, & Antistes. Vi-
gebit per adlapsa sæcula, memoranda fides eius, quam, omnia ne-
gotia, consilia omnia in bonum Patriæ declarabant. Proba-
uit hanc officio, dum pro incolumitate saluteq; Reipub. non
modo optimè sentire, sed vitam suam profundere, gloriosum
honestum, necessariumq; iudicabat. Pulchrum erat amoris
spectaculum in Fabiis, quando vna die, 30. numero, pro Patria
occubuerunt. Sexcentas hic Senator zelantissimus, pro bono
Patriæ, paratus erat subire mortes; qui continuos dies, noctes
integras, vigil percurrentes, rerum prodigus suarum, salutis pro-
priae immemor, tranquillitati Reipub. & bono communi paci-
prouidebat. Illum tam Generosum Athletam, Curcium pro-
pemodum spectauissemus, si quando pro incolumitate Patriæ,
vita sua in discrimen vocata fuisset. Non illum curæ ingentes
fatigabant, non perpetuæ frangebant sollicitudines, sed ardui
quicq; labores, ex celsi animi natura fuerunt. Ita scilicet subli-
mes animæ, vt pelagus nunquam æstu quietum, perpetua agi-
tatione feruntur; & nè languescat virtus, insidiantis desidix
veternum, labore pellunt, sæpè cum periculo ad officia promptæ,
quibus nimirum, ocium pæna est. Docuit magnæ virtutis
exemplum, qualem se illa iam cana, & senio labante ad vnam
ætate, præstitit Senatorem; cuius æmulam virtutem sui Conci-

ues & Collegæ, frequentibus experiebantur conuentibus. Cre-
bræ illæ ægritudines, non poterant Manlii Torquati in eximio
Senatore probare defidiam, quam leuis oculorum affectio, à ge-
rendo excusauerat Magistratu: ille fortitudinis, constantiæq; ob-
armatus panopliâ, mirum in modum vires suas instaurabat, ne
videretur luctari cum officio, & cedere oneri quod semel rece-
perat. id enim ad D. sententiam Bernardi turpe. Quod igitur
verius ac melius, veri in patriam amoris, potest haberi docu-
mentum, quàm, vt viuat patria, vitæ suæ prodigum esse. Ita
quondam, Rex Atheniensium Codrus, medios proruperat in ho-
stes, qui per necem suam, ex Oraculi effato victricem palmam
Athenis laturus erat. Per similes nobis, inuisa fata eripuerunt Vi-
rum, qui quam à patria mutuatus erat vitam, eam illi iure optimo
repositenti reddebat. Inusitati in Patriam amoris, nobilis ille
Ciuis, hanc dabat, pro ratione doctrinam, quam decerpfit ex
magno Politicæ Magistro Aristotele, in Rhet. ad Theod. *Alu-
it me hæc tutè, atq; honeste produxit vsq; ad hanc ætatē. Muniuit meas
rationes bonis legibus, optimis moribus, honestissimis disciplinis; quid est?
quod à me ei persolui possit satis, unde hæc accepta sunt.* Hoc ipsum,
omnibus memorandi sæculis, inculcant annales, vbi ignita litera-
rum acie, indelebilem hanc infamiæ, quibusdam incussit notam:
qui tot inutilibus, imo damnosis, & impiis impliciti curis, honestā
hanc & debitam præcipuamq; curam patriæ, neglexerunt ali-
quando. Docuit sequentem posteritatem, Senator Patriæ amā-
tissimus; Rempublicam summum quendam hominem, à pla-
nè diuinum exposcere: in quo suam felicitatem, quietem, salu-
tem reponat, & quo ducē administratoreq; nixa, omnia pericu-
la, seditiones, discordias, mutationes inclinationes superet; feli-
cemq; semper & beatam pacem, à tranquillitatem sit habitura.
Atq; vt cæteras prætermittam virtutes, quibus bonus Patriæ
Senator elucere debet, prudentiam ita esse necessariam existimo,
quā nulla res in humanis maior, melioruè haberi potest. Hæc est
plusquam Mineræ lampas, quæ suo illapsu fortunato, gem-

mèos soles, gemmeam in Regnis, Imperiis, parturit felicitatem. Hæc enim est oculus ad Reipub. gubernacula sedentium, quam qui non habet, cæcutienti persimilis. Sine hac non modò virtutes exerceri, sed nè comprehendi quidem possunt. Est illa ingeniosissima contra artem, sagacissima contra astum, geniosissima contra terrorem, imperterrita contra exasperatam & fucatam maiestatem; artem ingenio, astum consilio, terrorem indomito vigore, mentitam maiestatem apta constantia superare consuevit. Tantam prudentiæ virtutem, vim & maiestatem, si quis Oratorum laudauit in aliis, in nostro admirari debuit **PIASECIO**. Non hîc illum, comparabo septem Græciæ sapientibus, quia illi pro suo æuo sapuerunt multum, parum pro nostro. illi suo tempore excitârunt omnium admirationem, nos iam **PIASECIVM**, dum esset viuus, viuum sapientiæ credebamus esse oraculum. Non oportebat, priscam illam veterum inquirere veritatem, qui prudentiam, terno oculorum lumine dicebant esse præditam: cùm reuerâ præsto hæc prudentiæ in superstitute reluceret imago Senatore. Habuit inprimis rerum memoriam præteritarum, intelligentia deinceps laudata superabat ingeniâ: dum consultationibus, quæ ad illum grauissimis de rebus adferebantur, miro ingenii acumine, prudentiæq; responderet soliditate. Erat quadam alta præditus mente, dum nulli parceret labori, vt quantociùs veritatem in obscuris inueniret: & difficultatem in dubiis aperiret. Meritò dolet illum Equester ordo, accusat Amplissimus fata Senatus, cuius proficuum sapientiam auido, hauriebat pectore. Probauit prudentissimus Senator, dexteritatem suam, in tot publicis expeditionibus, commissis à Serenissimis Regibus negotiis, nec erat arduum quidquam, vbi felicitatis gloriam non haberet. Dederat experimenta prudentiæ suæ, nondum matura valde ætate; quem **SIGISMVNDVS III. Rex** felicissimus, Episcopatus Varmiensis, pro Sereniss. Principe **IO- ANNE ALBERTO** fecerat Administratorem. Iterata
post

post modū vice, Episc. Vratislāuiensem pro Sereniss. Principe
 CAROLO FERDINANDO, administrandum com-
 misit. Prius adhuc probauerat dexteritatem suam, quando ex
 Capitulo Illustri Poznanien. ad Tribunal Regni deputatus
 Iudex, suam functionem expediuerat gloriose, Ad eam tandē.
 ex illa experientia peruenerat prouidentiam, vt eam tertium pru-
 dentiae oculum, meritō appellare possis. Nihil enim accidere po-
 terat, quod ipse sagacissimo, non praeuidisset ingenio, de eoq;
 prudentissimē statueret. Itaperspicax erat, ita omnium discuti-
 ebattenebras insidiarum, ita consiliorum arcanorum caligines
 ea pluebat; vt non oporteret Dodonea aut Pythea consulere
 oracula. Pulchra illa surgentis ad gloriam ætatis indoles, præsa-
 ga erat futuræ eius dexteritatis & prudentiæ, quam tantis Diui-
 na Bonitas auxerat ornamentis, vt Sereniss. Regibus gratiores ipsi
 Charitibus esset. Quid aliud pellexerat in amorem Iuuenis,
 magnum quondam Regni Poloniæ Marschalcum, *Sigismun-*
dum à Mirow Myszkowski, nisi venustus indolis decor, luce do-
 ctæ irradia- tus; quem olim futurum iubar Reipub. eximium,
 spe non dubia præconceperat. Promouit gratiosum Iuuenem
 ad Aulam Sereniss. Regum, vbi ex insigni eruditione sua, æta-
 tem superante, apud SIGISMVNDVM Regem sapi-
 entissimum, ad inuidiam aliorum magno erat in precio. Nemo
 erat ea tempestate, styli dignitate felicior, & qui melius in literis
 ad Principes & Monarchas mentem explicasset Regiam. No-
 uerat benè Rex Sereniss. ingenii felicitatem, iudicii acrimoni-
 am, prudentiæ excellentiam, perindeq; in difficilioribus quibus-
 ue expeditionibus, non aliā utebatur manu. Ita scilicet pallato
 accesserat Regio, vt quidquid Rex saperet prudentissimus, idē
 ille sapere videretur. Magna hæc profectō laus est, quæ venit
 ex literis, cum per eam animi dignitas elucescat. Rarus est hoc
 tam deprauato sæculo, qui simili gressu ad fauores Principum
 pergere contendat. Plurimi fortunæ emendicant auxilia, qui-
 bus virtutis deest subsidium. Inuidiam eiusmodi homines, in

virtutis alumnos exerunt, quibus detrahunt, quod sibi deest.
Fortunam vt dominam adorant; virtutem *seruam fortune* sensu
iniquo arbitantes. Ille vir eximius, sola virtutis dexteritate, eru-
ditionis præstantia, promoueri studebat, qui parùm ad Nominis
gloriam iudicabat, esse Iouis filium, & Mineræ spurium. Non
dant immortalitatem purpuræ, sed eam accipiunt; sola animi di-
gnitas, nescit emendicata viuere gloria, at propriis surgit in al-
tum lacertis. Sudauit hic Generosus Heros in gloriam suam, qui
statim à puero, salutaribus literarum voluit erudiri disciplinis.
Non perdebat preciosum iuuentutis tempus, sicut perdunt illi,
quibus ocium & venter Deus est: mentis etiam fieri nobilis cu-
rauit, quando domesticis institutus literis, 17. ætatis anno, Pra-
gensensem concesserat scholam; illinc postmodum, Romam se con-
tulit: vbi quatuor annis, insignicum profectu, studia tractauit.
Reuersus tandem in Poloniam, Aulæ Regiæ adscitus, Canonica-
tum Poznaniens. obtinuit. Nec sufficebat illi profecisse in scien-
tiis: iterata vice, ad eas perficiendas, ad Romanā perrexerat sapi-
entiam, vt diuitem sibi, in Patriæ emolumentum, eruditionis
compararet suppellectilem. Quomodo igitur, à Sereniss. non
potuit non amari Regibus, qui dignitate eruditionis inclutus,
omnes honorum gradus promeruerat. Optimo iure, (vt ad Te
conuertam calami cursum) *D. Rex Sigismunde*, augustam eius
prudentiam, dignis decorasti honoribus; quando maturescen-
tem, primò Canoniatu Varfauiens. post Archidiaconatu Lu-
blinen. & Varfauiens. tandem Præpositura Caliss. cum Canon.
Sandom. cumq; Bledzouien. non acceptaret Abbatiam, ex
causa Religiosæ Professionis; maturum iam, Abbatia Mogilen.
post Senatoria & Præfulis auxisti dignitate. Virtutis & Sapi-
entiæ magnitudo, dignum illi honoris extruxerat Capitolum,
Tu Rex sapientiss. vt illud ingrederetur, permouens causa esse
deuisti. Nihil est ô fortuna, quo possis de tanto gloriari Viro,
nihil à te habuit, virtuti debet omnia. Virtutem laudauit Ma-
trem, te se mpernouercam cognouit. Non aliam sibi viam pro-
posuerat

posuèrat calcandam ad Aedem honoris, nisi quæ esset per templum laboris & doctrinæ; ne communi via, fortunam agnosceret dominam. Noluerat benè, dubiæ fortis in constantiam, Dextæ volubilis fallaces ludos; ideoq; firmitus sibi in virtute, quam in casu præsidium collocauerat. Hic te iam compello, ô Illustre Præmyslien. Cathedræ Collegium, etiamnè tu sapientem doles Præfulem? dum respondes; moueor in lachrymas, tuo permisso singultibus sermone, quo inuidū accusas fatū. O inuidū Fatū! Ita nunquā perennare sinis, quod extingui nunquā deberet; ita virtutis illius non fert meridiem, cuius occasum, intueri nemo vellet: ita nihil mortalium cætui relinquit, quo priuari nunquam homines desiderarent. Non sine causa doles, cum tali orbata sis Præfule, quem in decus tuum, laurea cinctum, orbis venerabatur. Laureatæ eius sapientiæ, qui laudata conspexit opera, nihil melius viderat, quod admirari vellet. Nihil dico hîc, quâ prudentia in regendo utebatur Clero: non commemoro, quomodo inusitata luce doctrinæ, Camenecen. Chelmen. Præmislien. Diœceses frequenti Schismate, variaq; hæresi intricatas, illustrabat, serenabat: vt sal terræ, verbo Domini condiebat, instruebat, insultus Hæresiarcharum frangebat. Verùm scripta ipsa dicenda, quæ illum fastis inscripserunt immortalitatis. Sapientissimi quicq; per orbem vniuersum, amplectuntur eius sapientiam. Et vt omittam plurimos alios, Clarissimum hâc tempestate Iureperitum *Barbosam* allego, qui in libro *de officio & potestate*, Parochi, crebris versibus, Praxis Episcopalis (quæ est genuinus fatus, de mortui Præfulis) adfert doctrinam. Egregia Chronicorum opera, styli dignitate clarissima, iudicij, prudentiæ, experientiæ, sapientiæ, amplitudinem referunt tantam; vt meritò inter optimos quosuis Hyſtoriographos optimus, inter laudatissimos laudatissimus, ore Gentium prædicetur. Et hæc est magnorum sententiâ virorum, veri boniq; Præfulis propria eaq; dignissima virtus, monumentis clarescere scriptorum. Fieri nequit, vt Episcopus singulos in lege Christi, ore proprio erudiat,

D

sed

sed communicata per libros doctrina, meliorē in modum erudire potest. Quemadmodum tot Eminentissimi Cardinales, & sapientissimi quicquid erudiuerunt Præsules; qui non alieno vivebant ingenio, sed cuncta vitæ tempora, in id solum conuertebant, ut propriis gregi Christi prodesse ingeniiis. Ita & hic dignissimus Antistes, in perpetuis consenuerat laboribus, nullum ineptiis & oblectamenti prophanis relinquendo tempus. quanquam hæc, ut repugnabant status sui dignitati, maximè naturæ, quæ ad seria & quæuis ardua erat composita. Ita Antistes Sapientissimus, non fictum, neque stylo adumbratum, sed viuum ex exemplum, atque rebus ipsis expressum; spiritualis vitæ hominibus mita Deo propositum: ut in eo ceu quodam illustri monumento, essent repositæ omnes, Præsulis boni & Senatoris virtutes. Iustitiam eius, dum verecundo tangere calamo attento, timere incipio; ne dum eandem laudare volo, per tenuitatem meam iniustus fiam. Iustitia illa est augusta virtus, cui ex origine Regum, purpuræ & Cæsarum diademata, se se mancipio dedicant; eod quod Vniuersi orbis calculo & decreto, illa sit Regnorum parens, nutrix Imperiorum. Prisca illa sæculorum sapientia, Astræam Deam venerabatur: Sapientissimus hic Senator, non iam superstitioso cultu, sed Christiana obseruantia, illam ut Principem & Dominam virtutum impensè colebat, in suum, & Reipublicæ commodum. Nouerat bene. iustitiam esse omnis Christianæ perfectionis basim, & fundamentum, sine qua virtus, nulla virtus, perfectio, nulla perfectio, si ad iustitiam ut ad axem, non terminetur. Hæc etenim est regula virtutum, amussis præclare gestorum, actionum regula humanarum. Non poterat aliter esse bonus, nisi fuisset iustus, prout nemo optimus, qui ad stateram iustitiæ suæ non examinat facta. Seruauit hanc extinctus Senator cum illo feruore, ut esset probitatis exemplum, norma viuendi, & ut Antistitis & Senatoris seruaret dignitatem, eam in sibi subiectis custodiuit diligenter. Nimirum.

Iustitiæ cultor, rigidi seruator honesti.

nihil

nihil turpē, nihil in humanum, nihil indècorum admittebat; nihilq̃ magis curabat, quàm vt mutua coniuncti beneuolentia inuicem viuant, ab iniuriis seditionibus, odiis, inimicitiiis alieni, a aliena non apprehendendo, cuiq̃ suum tribuendo. Meritò asyllum Iustitiæ, vt Senator; legum Sacrarium diuinarum, vt Episcopus appellari potuit. Consultationes, Sententias, & vota ad condendas leges, tali ordinabat prudentia, nè quod in oppressiōnem pauperum, aut iniuriam bonorum, innocentum afflictionē sanciretur. Non potuit ferre oculis miseriam alienam; quem sui subditi beneficium luxerunt Dominum. Ita certè intelligebat super egenorum miseria, vt eum omnes vbiq̃ terrenum experirentur Iouem. Quomodo ad hanc laudem Senatoris, non erubescunt illi, qui iustitiæ oculos compungunt, innocentes opprimunt, & tñquam belluæ, cruore visceribusq̃ proximorum saginantur. Poterant didicisse ab optimo Antistite, iustitiam crudelitatem esse, quam non operiret charitas. Memorandus æternum erit PAVLVS PIASECIVS, cuius Iustitiam deprædicant obseruantissimi sui Antistitis Sacerdotes, in quibus erroris culpam, quoties oportebat, pro officio Pastoralis damnabat, personam tamen honorificè tractabat, ne læderet quod character haberet. Gaudeo non mediocriter, quod & illum D. laudauit Hieronymus, cum Theophilum Alexandriæ laudaret Episcopum, hæc in verba: blandiris vt pater, erudis vt Magister, instituis vt Pontifex; venisti ad nos in austeritate virgæ, sed in spiritu benignitatis, lenitatis, & mansuetudinis. Impiuse est, qui hoc, extincto Præsuli non tribuat elogium: qui asseueranti contraueniat; ingratus ille, quem in causis fori commorantem, sua opima, non raró reficiebat mensa. Et hoc est rarum, oprandum tamen in aliis, hospitalitatis exemplum. Venio ad alteram iustitiæ Pastoralis auctoritatem, quam cum in dicenda veritate inuenio, hîc iam silere cogor. Est illa in memoria Ciuium, sacro illo ore prolata, toties quoties comitys tam particularibus quam generalibus, & quibusuis alijs interfuerat

conuentibus, semper ibi claram dicebat veritatem. Est & in laudatissimis suis Chronicorū operibus, quæ qui oblatrat, veritatē oblatrat, mendax ipse. Non scripsit Panegyricum, sed historiam lucem veritatis, magistrā vitæ, temporis testem. Parcat iam liuidus verbis, & si quam tulit iniuriam, cur ad illas superstitis fuit tenebrio voces, quibus heroicam & inuictam explicabat mentem. *Quæsitum veri studio odium non verebor, & inuidiam meritis partam inter titulos numerabo.* Tertia tandem & vltima Iustitiæ Præfulis gloria, est posita in rebus, hanc dignissimus æterna memoria Præsu', non tam ad sacrorū Canonum postulatæ, quàm ad candidi puriq; pectoris, seruauit dogmata. Quilibet vel inuitus aut inuidus ipse, fateri debebit: quod beneficia quæcunq; à Sereniss habuerat Regibus, ea non tam in suum, quam Ecclesiæ, Patriæ, inopum, acceperat emolumentum & vsum. In Episc. Camenec. duas Ecclesias, lateritiā vnā Czerncensem, alterā ligneā Scalensem exstrui fecit. Mogilensem verò, aris marmoreis, variisq; ac multiplicibus locupletauit ornamentis. Sacras Cænobii Aedes toties restaurare curauit, quoties ipsa postularet necessitas. Non defuit & Patriæ sumptibus; namq; pro commoditate Episcoporum Camenecen. palatium in ciuitate finitima Kamieniec magnificè extruxit: & Arcis Czarnokozien. propugnaculum, à fundamentis erexit, erectum tormentis, bombardis, optimè muniuit. Si spectes munificentiam, hanc grati depreciant affines & consanguinei, quibus pro excolendis artium honestissimarū disciplinis, sufficientes dabat impensas. Nepotibus ex Fratre Charissimis, ne hæreditates paternas haberent exhaustas, tales impendebat sumptus, quibus ad ornamentum Patriæ, Reipub. commodum, sua percommode exsoluissent seruitia. Laudant abundè liberalitatem Religiosi, extollunt in opes & egeni beneficentiam, quibus largas erogabat eleemosinas. Ipsi inopes subditi, satis de amisso benefactore dolere non possunt: his etenim, in laboribus & censibus, paternè indulgebat. Nihil prorsus tale erat, quod ad iustitiam numeris omnibus absolutam

est & in
at, veri-
ed histo-
Parcat
upersti-
olicabat
iam me-
ultima
us æter-
a, quàm
inuitus
Serénis
Patriæ,
Came-
ram li-
armo-
Sacras
tulare
com-
finitio-
ozien.
bom-
c grati
is arti-
Ne-
berent
entum
issent
unt in
mosi-
e non
ulge-
nibus
tam

indignissimo Antistite desiderari videretur. Laudata illa cælo
maior pietas, cognata iustitiæ, plurimum facit ad laudem iustitiæ:
quarum virtutū cultor erat æquanimis, ut idem pietas vellet, quod
suaderet iustitiæ. Suasit hæc spiritu vivere Magno Ecclesiæ
Antistiti; pietas secuta consilium, spirituales professæ vitam;
quominus aliquid esset, quod communis vitæ, conditio vendica-
ret. Præcellæ vitæ innocentia Angelum referebat, quæ fuit
Sanctitatis exemplum, perfectionis prodigium. Non potuit
vnquam aliqua conspergi labe, aut corruptæ vitæ notari famâ,
qui anachoritam, proprii custodia corporis superavit. Magnum
fuit virginei pudoris argumentum, præsentibus cubiculariis, ad-
iacentes corpori non exuere vestes, pedes non mundare, lecto se
non conferre, quam consuetudinem, etiam confecta annis ætate,
ad supremum usque seruauit diem. Et hæc fortasse rigida valde
obseruantia, vitæ illius accelerauit periodū: dum morbo acutio-
ri pressus, contra ægri corporis immundiciem, instaurabat vires,
ne leuis aliqua turpitudine alieno notaretur oculo. Atque hinc, de-
prehendi facile potest, eius vitæ integritas, cuius verecundia in
animis hominum stupenda resedit. Hæc etenim est custos vir-
tutum, innocentiae propugnaculum, arx honestatis, fomes & oc-
casio probitatis. Eâ sublatus est viuus Antistes, inclaruerat morū
integritate, ut non modo excellentissimis quibusue viris, exem-
plum esset; sed nemo etiam infimæ sortis reperiatur, qui ad be-
nè beatèque viuendum, ex eo, non posset sibi normam & regulam
sumere. Altiora pietatis cacumina, cum tremebundo stylo in
diuino Antistite considero, pharos quædam multa luce referta
spectabatur. Siue feruentem, in promouendo cultu diuino per-
dendo zelum, dignus est, ut amore Aegyptiorum, cineres eius vi-
reâ inclusi tumbâ, pateant oculis hominum, quatenus idem fer-
uor sæpius menti porrectus, succrescat in posteris. Siue insuper
priuatum Dei cultum recogito; illo, plusquam religiosus fuit: qui
licet si arduis Reipub. occuparetur negotiis; diem se ut alter Ap-
pelles, in grauem iacturam putabat perdidisse: Si quando con-

suētis orationibus, piis meditationibus debitum non impenderet
tempus. Nolo hīc austeram describere vitam, quia hanc super-
stes, soli Deo cognitam esse voluit. Illud præterire, nullo
modo possum, quomodo mortalem se, singulis recogitabat die-
bus, vt totam vitam eius, continuam ad mortem viam dicere
possis. Hanc ipsam, suus Enthusiasmus Distichis comprehensus,
explicat veritatem, atq; in primis, dum Camenecen. relinqueret
Episcopam Cheshmensi inauguratus. hæc scripsit.

Hic macui, rauca cecinere hic gesta Camenæ

Europæq; meæ, curavi hic sacra valete,

& ex Cheshmensi in Præmisliensem vocatus, fecit.

Mens fuit hic rerum metam, posuisse modumq;

Tarda vt meludant, pergere fata cogunt.

Hæc scilicet Nouissimorum memoria faciebat, vt perpetuū
cum Deo ageret; cogitationibusq; cælo fixus, procul à terra ad
cælum, ab hominibus ad Deum, cursu assiduo contenderet. Sub-
limis tamen hæc vitæ perfectio, fastus & arrogantia expers fu-
it, profundæ innixa modestiæ. Non sublimauit illum sanctitas,
sed humiliavit, non tanta dignitatis eminentia, supra homines
extulit, sed infra religiosam posuit humilitatem. Officio se pro-
bavit Senatorem & Præsulem; non affluentia prouentuum, aut in
solito præ diuitiis tumore, quas dono virtutis possederat. Gra-
uitatem illam, cum facilitate, maiestatem cum modestia, digni-
tatem cum humanitate, prudentiam cum simplicitate coniun-
gebat: nec quicquam in eius vultu, gestu, sermone, incessu cer-
nebatur; quod non omnium excitaret admirationem, laudemq;
mereretur. Facilem se omnibus, mirè humanum, mirè affabi-
lem præbuit, grandem eorum condemnans mentis errorem, qui
Persico fastu, caro cum precio oris sui notitiam, pandunt;
quos ianuæ ferratæ, portæq; adamantina firmitate includunt,
quorum latus, si vnquam secreto suo satiati prodeunt, vndiquaq;
testudo satellitum claudit, cælum excitato puluere obducens.
Non incutiebat hic terrorem, pedissequâ inutili familia, sed illa
selecta

selecta, benèq; morata Nobilium iuuentute, dignitate Aulicorū,
Senatorii honoris, præsentabat amplitudinem. Pulcher erat ser-
uorum modestiâ, quam ipse exemplo suo edocebat. Ipsa oris di-
gnitas diuinum quiddam spirabat: non sicut perfidi Iuliani vul-
tus, naturæ contumelia genitus, spirauit maliciam; ille oculis in-
tuentium, honesta quæq; sine voce & clamore præcipiebat. Ne-
mo erat felicior, qui eleganti corporis symmetria, melius expri-
meret modestiam, explicaret pietatem. Occursus eius etiam iu-
uabat, nam erat aliquid, ex quo tacente proficeres. Reliquas
consultò prætereo virtutes, ne in immensum crescat oratio; præ-
sertim, cum tantæ Magnus Præsul, fuerit perfectionis, vt etiam,
ne quidem Xenophontis ore, explicari possit. Vtinam semper
eiusmodi progeneres filios, ô Alma Patria, quorum laude, & fa-
mâ meritorum, tua laus crescat; & in quibus florere perenniter
vigereq; possis. Imò gloriari debes tuorū meritis filiorū, gaudere
felici prole, quod sis Virorum sanctitate doctrinaq; clarissimo-
rum, sæcunda parens, quod subtilium alumna ingeniorum, quod
fortissimorum pro Religione Catholica, Athletarum, pro crea-
trix, quod diuinorum fortunata genitrix Mystarum. Quid est
quod amplius in tuo desiderare debuisti **PIASECIO**. Ci-
uis ille bonus, quia amore tuo, salutis propriæ immemor. Sena-
tor optimus, quia prudentiæ sacrarium, sapientiæ lumen, iustitiæ
Areopagus, pietatis exemplum. Præsul & Pastor dignissimus,
quia vitæ innocentia Angelus, sanctitate plusquam homo, vere-
cundia plusquam Virgo, modestiâ plusquam Sacerdos, zelo veri-
tatis colendæ, alter D. Stanislaus, orbi inclaruit vniuerso. Rem
paucis dicnm, fuit ille Vir, qui vno pectore, Antistitem & Prin-
cipum ornamenta concludebat: cuius vita continuus erat gloriæ
cursus. Quare, fruire iam immortalis Senator & Antistes, tu-
arum meritis virtutum, nos hîc tua fruemur sapientia. fruerè
æterna felicitate, nos hîc æternū tuæ applaudemus glo-
riæ. hoc dicimus, id vouemus.

2. x 12. 48.



